



目30
999
部=1-4

光緒八年校刊

八史經籍志

首起同題

漢書藝文志 隋書經籍志
唐書經籍志 宋書藝文志
遼金元藝文志 補三史藝文志
元史藝文志 明史藝文志

八史經籍志序



萃千百年著作之林門分類別以之網羅六藝史書與夫諸子百家騷選詩賦別集總編之紛蹟後之人因是而得審夫佚存辨夫眞贋攷覈夫源流異同以爲涂逕之間蓋目錄之學尙矣夫自劉氏爲七略厥後因之者王儉七志阮孝緒七錄胥不免襍亂無當惟荀勗中經簿易七而四部分較然簡約以盡然子不先史古史非詞章家類中經簿乙部以諸子著錄丁部詩賦後而有汲冢書皆不可爲訓隋書經籍志撰自唐魏徵諸臣於甲乙等四部定爲經史子集其稱始允於後史家遂代

因之不改雖班志上承劉略未變舊例要無失其椎輅於前焉夫目錄者經籍之史諸史之志經籍又攷鏡家之史學者誠欲博其取資遞窺夫四部之流變也則求之一史抑豈若合諸史而彙觀之之詳且盡乎予於滬上得入史經籍志鋟板前無序言末署文政八年刊知出自東國好古者所爲求其姓氏卒不可悉爰爲疏夫厓略綴文於首而各史著錄之概亦有不容昧者乃復具述之如左

一漢書藝文志

自司馬氏勅爲入書以紀朝章國典象緯川源班孟堅因之而作十志因律書歷書而志律

歷因禮書樂書而志禮樂因平準封禪而有食貨郊祀之志因天官河渠而有天文溝洫之志其不因而因者又增爲刑法五行地理藝文四志而地理藝文志中有班氏自注語地理以明沿革藝文本七略而修間亦識其所未盡其諸不列姓氏者皆班氏原文也七略無史班氏以世本戰國策太古以來年紀等錄附春秋後近也亦變而正也

一隋書經籍志

隋書十志最爲後人推稱當太宗命儒臣纂修梁陳齊周隋五史竝撰十志而五史先成博行十志後出以其通括五代隋居於末篇第遂編入隋

書雖隋專其名俗猶呼爲五代史志未改也經籍志撰自魏鄭公四部一準荀氏甲乙等稱始定爲經史子集末附道佛二藏分別諦當洵足爲各史之志經籍者程式抑漢以後藝文亦藉是得以攷見源流惟發明中言伏生口傳尙書衛宏潤益詩序馬融增益小戴記文數事多不足於後人然志體盡善不以小疵掩也

一舊唐書經籍志新唐書藝文志是二者俱本毋暉等所修古今書錄錄開元盛時四部諸書以經史子集分隸於甲乙丙丁曰甲部經錄乙部史錄丙部子錄丁部集錄蓋承隋志而又變通之矣自班志以來四部中

隨類訖繫以小序發明暉等撰集循例無改而舊志意主簡略盡行汰刪但以各書著錄其爲開元四部外諸書雖名卿鉅公撰述惟見本傳此並不錄暉等書原附釋道錄於後亦去之前後綴以兩序藉窺梗概而已新志門類間爲增損書則互相出入部首綜舉大數而有著錄不著錄之分各類舉數下復於注中括以失姓名幾家自某以下不著錄幾家云云此爲小異餘者其猶仍舊志之簡略與

一宋史藝文志 宋自咸平以來龍圖閣太清樓玉宸殿四門殿儲備至富尋爲煨燼仁宗新崇文院命學士

張觀等編四庫書爲崇文總目盛矣高宗移蹕臨安搜訪遺闕優獻書之賞紹熙以後輯錄之夥視崇文總目又有加焉元人修史刪其所重登所未備而爲藝文志復斷自嘉定以後而有著錄不著錄之分雖書不甚精要亦言四部者攷核所必資不能廢也

一宋史藝文志補遼金元三史藝文志補 是書爲國朝盧文弨召弓編纂召弓得上元倪燦稿及海甯張錦雲元史藝文志補輯爲此志宋有志而咸淳以來尙多闕略遼金元本無志議者欲仿隋志兼五代史志之例輯之於明史今冠倪序於首以見其初志而本志所

輯一補遺一補闕兩書仍各自爲編云

一三史藝文志補元史藝文志補 是書一爲金門詔作一爲錢大昕作皆以三史無志搜輯掇拾而爲之蓋猶是倪氏盧氏意爾四部著錄惟元爲詳遼金則僅有存者錢書故以元總其名

一明史藝文志 是書爲張廷玉等奉

敕纂修有明一代秘閣所儲近百萬卷可謂盛矣萬曆時焦竑嘗有國史經籍志之輯號稱博洽顧其書叢鈔舊日未加審詳不問存亡率爾濫載蓋延閣廣內之藏竑旣無從徧覽前伐陳編漫爲著錄是其所輯固有不

足憑矣我

朝尤侗撰有明藝文志五卷挂漏躋駁二者交譏又所著錄往往不載卷數及撰人姓名則書當更出茲下是編廷玉等仰稟

聖裁稽核之周採取之精詳慎以至雖上擬隋志庶幾其無慝焉

右凡史之志八重者四作者九人不列者不數焉以經籍稱者二以藝文稱者八曰八史著其代也曰經籍志舉其重也夫人有志於學問之事與今人居與古人稽雖殊方絕域

文教覃敷且有以動其著述之懷康熙時西條掌書記山井鼎撰七經孟子考文東都講官物觀爲之補遺後其書進自浙江啟淑家獲邀

四庫之收茲復有文政八年八史經籍志刊本雖其人莫詳一經一史後先輝映何彼國之士之好學如是其不絕哉今士生華夏之區文獻足徵顧乃終身俗學士梗經籍汶汶於帖括制義之中老其年而不知返是足慨已

光緒九年癸未首春八日鎮海張壽榮序

前漢書藝文志

漢 班固 撰
唐 顏師古 注



昔仲尼沒而微言絕

師古曰精微要妙之言耳

七十子喪而大義乖

師古曰七十子謂弟子達者七十二人舉其成數故言七十

故春秋分為五

韋昭曰謂左氏

公羊穀梁鄒氏夾氏也

詩分為四

韋昭曰謂毛氏齊魯韓

易有數家之傳戰

國從衡真偽分爭諸子之言紛然殺亂至秦患之乃燔

滅文章以愚黔首

師古曰燔燒也秦謂人為黔首言其頭黑也燔音扶元反黔音其炎反又

音琴漢興改秦之敗大收篇籍廣開獻書之路迄孝武世

書缺簡脫禮壞樂崩聖上喟然而稱曰朕甚閔焉於是

建臧書之策如淳曰劉歆七略曰外則有太常太史置博士之藏內則有延閣廣內祕室之府

寫書之官下及諸子傳說皆充祕府至成帝時以書頗

散亡使謁者陳農求遺書於天下詔光祿大夫劉向校

經傳諸子詩賦步兵校尉任宏校兵書太史令尹咸校

數術師古曰占卜之書侍醫李柱國校方技師古曰醫藥之書也每一書

已師古曰占卜畢也向輒條其篇目撮其指意錄而奏之會向卒

哀帝復使向子侍中奉車都尉歆卒父業歆於是總羣

書而奏其七略故有輯略師古曰輯與集同謂請書之總要有六藝略

師古曰六藝六經也有諸子略有詩賦略有兵書略有術數略有

方技略今刪其要以備篇籍師古曰刪去浮冗取其指要也其每略所條家及篇

數有與總凡不同者轉寫脫誤年代久遠無以詳知

易經十二篇施孟梁丘三家師古曰上下經及十翼故十二篇

易傳周氏二篇字王孫也

服氏二篇師古曰劉向別錄云服氏齊人號服光

楊氏二篇名何字叔元菑川人

蔡公二篇衛人周王孫

韓氏一篇名嬰

王氏二篇名同

丁氏八篇

名寬字子襄梁人也

古五子十八篇

自甲子至壬子說易陰陽

淮南道訓二篇

淮南王安聘明易者九人號九師說

古雜八十篇雜災異三十五篇神輸五篇圖一

師古曰劉向別

錄云神輸者王道失則災害生得則四海輸之祥瑞

孟氏京房十一篇災異孟氏京房六十六篇五鹿充宗

略說三篇京氏段嘉十二篇

蘇氏曰東海人為博士師古曰蘇說是也嘉即京房

所從受易者也見儒林傳及劉向別錄

章句施孟梁丘氏各二篇

凡易十三家二百九十四篇

易曰宓戲氏仰觀象於天俯觀法於地觀鳥獸之文與

地之宜近取諸身遠取諸物於是始作八卦以通神明

之德以類萬物之情師古曰下繫之辭也鳥獸之文至謂其跡在地者宓讀與伏同

于殷周之際紂在上位逆天暴物文王以諸侯順命而

行道天人之占可得而効於是重易六爻作上下篇孔

氏為之彖象繫辭文言序卦之屬十篇故曰易道深矣

人更三聖韋昭曰伏羲文王孔子世歷三古孟康曰易繫辭曰易之與其於中古乎然

則伏羲為上古文王為中古孔子為下古及秦燔書而易為筮卜之事傳者

不絕漢興田何傳之訖于宣元有施孟梁丘京氏列於

學官而民間有費高二家之說劉向以中古文易經校

施孟梁丘經師古曰中者天子之書也言中以別於外耳或脫去無咎悔亡

唯費氏經與古文同

尚書古文經四十六卷為五十七篇師古曰孔安國書序云凡五十九篇為四十六卷

承詔作傳引序各冠其篇首定五十八篇鄭玄敘贊云後又亡其一一篇故五十七

經二十九卷大小夏侯二家歐陽經三十二卷師古曰此二十九卷伏生傳授者

傳四十一篇

歐陽章句三十一卷

大小夏侯章句各二十九卷

大小夏侯解故二十九篇

歐陽說義二篇

劉向五行傳記十一卷

許商五行傳記一篇

周書七十一篇周史記師古曰劉向云周時誥誓號令也蓋孔子所論百篇之餘也今之存者

四十五篇矣

議奏四十二篇宣帝時石渠論章昭曰閣名也於此論書

凡書九家四百一十二篇凡入劉向稽疑一篇師古曰此入言入者謂七略之外班氏

新入之也其云出者與此同

易曰河出圖雒出書聖人則之故書之所起遠矣至孔

子纂焉孟康曰纂音撰上斷於堯下訖于秦凡百篇而為之序

言其作意秦燔書禁學濟南伏生獨壁臧之漢興亡失

求得二十九篇以教齊魯之間訖孝宣世有歐陽大小

夏侯氏立於學官古文尚書者出孔子壁中師古曰家語云孔騰

字子襄畏秦法峻急藏尚書孝經論語於夫子舊堂壁中而漢記尹敏傳云孔鮒所藏二說不同未知孰是

武帝末魯共王壞孔子宅欲以廣其宮而得古文尚書

及禮記論語孝經凡數十篇皆古字也共王往入其宅

聞鼓琴瑟鐘磬之音於是懼乃止不壞孔安國者孔子

後也悉得其書以考二十九篇得多十六篇師古曰壁

考見行世二十九篇之外更得十六篇安國獻之遭巫蠱事未列于學官

劉向以中古文校歐陽大小夏侯三家經文酒誥脫簡

一召誥脫簡二師古曰召讀曰邵率簡二十五字者脫亦二十

五字簡二十二字者脫亦二十二字文字異者七百有

餘脫字數十書者古之號令號令於眾其言不立具則

聽受施行者弗曉古文讀應爾雅故解古今語而可知

也

詩經二十八卷魯齊韓三家應劭曰申公作魯詩后蒼作齊詩韓嬰作韓詩

魯故二十五卷師古曰故者通其指差也它皆類此今流俗毛詩改故訓傳為誥字失真耳

魯說二十八卷

齊后氏故二十卷

齊孫氏故二十七卷

齊后氏傳二十九卷

齊孫氏傳二十八卷

齊雜記十八卷

韓故三十六卷

韓內傳四卷

韓外傳六卷

韓說四十一卷

毛詩二十九卷

毛詩故訓傳三十卷

凡詩六家四百一十六卷

書曰詩言志歌詠言

師古曰虞書舜典之辭也在心為志發言為詩詠者永也永長也故

所以長言之

故哀樂之心感而歌詠之聲發誦其言謂之詩

詠其聲謂之歌故古有采詩之官王者所以觀風俗知

得失自考正也孔子純取周詩上采殷下取魯凡三百

五篇遭秦而全者以其諷誦不獨在竹帛故也漢興魯

申公為詩訓故而齊轅固燕韓生皆為之傳或取春秋

采雜說咸非其本義與不得已魯最為近之

師古曰與不得已者

言皆不得也三家皆不得其真而魯最近之

三家皆列於學官又有毛公之

學自謂子夏所傳而河間獻王好之未得立

禮古經五十六卷經七十篇

后氏戴氏

記百三十一篇

七十子後學者所記也

明堂陰陽二十三篇

古明堂之遺事

王史氏二十一篇

七十子後學者師古曰劉向別錄云六國時人也

曲臺后倉九篇

如淳曰行禮射於曲臺后倉為記故名曰曲臺記漢官曰大射于曲臺晉灼曰

天子射宮也西京無太學於此行禮也

中庸說二篇

師古曰今禮記有中庸一篇亦非本禮經蓋此之流

明堂陰陽說五篇

周官經六篇

王莽時劉歆置博士師古曰即今之周官禮也亡其冬官以考工記充之

周官傳四篇

軍禮司馬法百五十五篇

古封禪羣祀二十二篇

封禪議對十九篇

武帝時也

漢封禪羣祀三十六篇

議奏三十八篇

石渠

凡禮十三家五百五十五篇

入司馬法一家百五十五篇

易曰有夫婦父子君臣上下禮義有所錯而帝王質文

世有損益至周曲為之防事為之制

師古曰委曲防閑每事為制也故

曰禮經三百威儀三千

韋昭曰周禮三百六十官也三百舉成數也師古曰威儀三千

乃謂冠婚吉凶蓋儀禮是也

及周之衰諸侯將踰法度惡其害已皆

滅去其籍自孔子時而不具至秦大壞漢興魯高堂生

傳士禮十七篇訖孝宣世后倉最明戴德戴聖慶普皆

其弟子三家立於學官禮古經者出於魯淹中蘇林曰里名也

及孔氏學七十篇文相似多三十九篇及明堂陰陽王

史氏記所見多天子諸侯卿大夫之制雖不能備猶瘵

倉等推士禮而致於天子之說師古曰瘵與愈同愈勝也

樂記二十三篇

王禹記二十四篇

雅歌詩四篇

雅琴趙氏七篇名定勃海人宣帝時丞相魏相所奏

雅琴師氏八篇名中東海人師古曰劉向別錄云亦傳言師曠後

雅琴龍氏九十九篇名德梁人師古曰劉向別錄云亦魏相所奏也與趙定俱召見侍詔

後拜為侍郎

凡樂六家百六十五篇出淮南劉向等琴頌七篇

易曰先王作樂崇德殷薦之上帝以享祖考故自黃帝

下至三代樂各有名孔子曰安上治民莫善於禮移風

易俗莫善於樂二者相與並行周衰俱壞樂尤微眇以

音律為節師古曰眇細也言其道精微節在音律不可具於書眇亦讀曰妙又為鄭衛

所亂故無遺法漢興制氏以雅樂聲律世在樂官頗能

紀其鏗鏘鼓舞而不能言其義六國之君魏文侯最為

好古孝文時得其樂人竇公師古曰桓譚新論云竇公年百八十歲兩目皆盲文

帝奇之問曰何因至此對曰臣年十三失明父獻其書

前漢藝文志

乃周官太宗伯之大司樂章也武帝時河間獻王好儒
與毛生等共采周官及諸子言樂事者以作樂記獻八
佾之舞與制氏不相遠其內史丞王定傳之以授常山
王禹禹成帝時為謁者數言其義師古曰數音所角反獻二十四
卷記劉向校書得樂記二十三篇與禹不同其道寢以
益微

春秋古經十二篇經十一卷公羊穀梁二家

左氏傳三十卷左丘明魯太史

公羊傳十一卷公羊子齊人師古曰名高

穀梁傳十一卷穀梁子魯人師古曰名喜

鄒氏傳十一卷

夾氏傳十一卷有錄無書師古曰夾音頰

左氏微二篇師古曰微謂釋其微指

鐸氏微三篇楚太傅鐸椒也

張氏微十篇

虞氏微傳二篇趙相虞卿

公羊外傳五十篇

穀梁外傳二十篇

公羊章句三十八篇

穀梁章句三十三篇

公羊雜記八十三篇

公羊顏氏記十一篇

公羊董仲舒治獄十六篇

議奏三十九篇石渠論

國語二十一篇左丘明著

新國語五十四篇劉向分國語

世本十五篇古史官記黃帝以來訖春秋時諸侯大夫

戰國策三十三篇記春秋後

奏事二十篇秦時大臣奏事及刻石名山文也

楚漢春秋九篇陸賈所記

太史公百三十篇十篇有錄無書

馮商所續太史公七篇韋昭曰馮商受詔續太史公十餘篇在班彪別錄商字子高師

古曰七略云商陽陵人治易事五鹿充宗後事劉向能屬文後與孟柳俱待詔頗序列傳未卒病死

太古以來年紀二篇

漢著記百九十卷師古曰若今之起居注

漢大年紀五篇

凡春秋二十三家九百四十八篇省太史公四篇

古之王者世有史官君舉必書所以慎言行昭法式也

左史記言右史記事為春秋言為尚書帝王靡不同

之周室既微載籍殘缺仲尼思存前聖之業乃稱曰夏

禮吾能言之杞不足徵也殷禮吾能言之宋不足徵也
文獻不足故也足則吾能徵之矣以魯周公之國禮文
備物史官有法故與左丘明觀其史記據行事仍人道
因興以立功就敗以成罰假日月以定歷數藉朝聘以
正禮樂有所褒諱貶損不可書見口授弟子弟子退而
異言師古曰謂人執所見各不同也丘明恐弟子各安其意以失其真
故論本事而作傳明夫子不以空言說經也春秋所貶
損大人當世君臣有威權勢力其事實皆形於傳是以
隱其書而不宣所以免時難也及末世口說流行故有
公羊穀梁鄒夾之傳四家之中公羊穀梁立於學官鄒

氏無師夾氏未有書

論語古二十一篇出孔子壁中兩子張如淳曰分堯曰

篇名曰從政

齊二十二篇多問王知道如淳曰多問王知道皆篇名也

魯二十篇傳十九篇師古曰解釋論語意者

齊說二十九篇

魯夏侯說二十一篇

魯安昌侯說二十一篇師古曰張禹也

魯王駿說二十篇師古曰王吉子

燕傳說三卷

議奏十八篇

石渠論

孔子家語二十七卷

師古曰非今所有家語

孔子三朝七篇

師古曰今大戴禮有其一篇蓋孔子對魯哀公語也三朝見公故曰三朝

孔子徒人圖法二卷

凡論語十二家二百二十九篇

論語者孔子應答弟子時人及弟子相與言而接聞於

夫子之語也當時弟子各有所記夫子既卒門人相與

輯而論纂故謂之論語

師古曰輯與集同纂與撰同

漢興有齊魯之

說傳齊論者昌邑中尉王吉少府宋畸

師古曰畸音居宜反

御史

大夫貢禹尚書令五鹿充宗膠東庸生唯王陽名家

師

曰王吉字子陽故謂之王陽

傳魯論語者常山都尉龔奮長信少府

夏侯勝丞相韋賢魯扶卿前將軍蕭望之安昌侯張禹

皆名家張氏最後而行於世

孝經古孔氏一篇

二十二章師古曰劉向云古文字也庶人章分為二也會子敢問章為三

又多一章凡二十二章

孝經一篇

十八章長孫氏江氏后氏翼氏四家

長孫氏說二篇

江氏說一篇

翼氏說一篇

后氏說一篇

前漢藝文志

雜傳四篇

安昌侯說一篇

五經雜議十八篇

石渠論

爾雅三卷二十篇

張晏曰爾近也雅正也

小爾雅一篇古今字一卷

弟子職一篇

應劭曰管仲所作

說三篇

凡孝經十一家五十九篇

孝經者孔子為曾子陳孝道也夫孝天之經地之義民之行也舉大者言故曰孝經漢興長孫氏博士江翁少

府后倉諫大夫翼奉安昌侯張禹傳之各自名家經文

皆同唯孔氏壁中古文為異父母生之續莫大焉故親

生之膝下諸家說不安處古文字讀皆異

臣瓚曰孝經云續莫大焉

而諸家之說各不安處之也師古曰桓譚新論云古孝經千八百七十二字今異者四百餘字

史籀十五篇

周宣王太史作大篆十五篇建武時亡六篇矣師古曰籀音胃

八體六技

韋昭曰八體一曰大篆二曰小篆三曰刻符四曰蟲書五曰摹印六曰署書七曰殳書八

日隸書

蒼頡一篇

上七章秦丞相李斯作爰歷六章車府令趙高作博學七章太史令胡毋敬作

凡將一篇

司馬相如作

急就一篇

元帝時黃門令史游作

元尚一篇成帝時將作大匠李長作

訓纂一篇揚雄作

別字十三篇

蒼頡傳一篇

揚雄蒼頡訓纂一篇

杜林蒼頡訓纂一篇

杜林蒼頡故一篇

凡小學十家四十五篇入揚雄杜林二家三篇

易曰上古結繩以治後世聖人易之以書契百官以治

萬民以察蓋取諸夬夬揚于王庭言其宣揚於王者朝

廷其用最大也古者八歲入小學故周官保氏掌養國

子教之六書師古曰保氏地官之屬也保安也謂象形象事象意象聲

轉注假借造字之本也師古曰象形謂畫成其物隨體詰屈日月是也象事即指事也

謂視而可識察而見意上下是也象意即會意也謂比類合誼以見指為武信是也象聲即形聲謂以事為名取譬相成江河是也轉注謂建類一首同意相受考老是也假借謂本無其字依聲託事命表是也文字之義總歸六書故曰漢興蕭何草律師古曰草立字之本焉亦著其法曰

太史試學童能諷書九千字以上乃得為史又以六體

試之課最者以為尚書御史史書令史韋昭曰若今尚書蘭臺令史也

臣瓚曰史書今之太史書吏民上書字或不正輒舉劾六體者古文

奇字篆書隸書繆篆蟲書師古曰古文謂孔子壁中書奇字即古文而異者也篆書

謂小篆蓋秦始皇使程邈所作也隸書亦程邈所獻主於徒隸從簡易也繆篆謂其文屈曲纏繞所以摹印章也蟲書謂為蟲鳥之形所以書幡信也皆所以通知古今文字摹印章書

幡信也古制書必同文不知則闕問諸故老至於衰世是非無正人用其私師古曰各任私意而為字故孔子曰吾猶及史

之闕文也今亡矣夫蓋傷其變不正史籀篇者周時史官教學童書也與孔氏壁中古文異體蒼頡七章者秦

丞相李斯所作也爰歷六章者車府令趙高所作也博學七章者太史令胡毋敬所作也文字多取史籀篇而

篆體復頗異所謂秦篆者也是時始造隸書矣起於官獄多事苟趨省易施之於徒隸也漢興閭里書師合蒼

頡爰歷博學三篇斷六十字以為一章凡五十五章并為蒼頡篇武帝時司馬相如作凡將篇無復字師古曰復重也

音扶曰反後皆類此元帝時黃門令史游作急就篇成帝時將作大匠李長作元尚篇皆蒼頡中正字也凡將則頗有出

矣至元始中徵天下通小學者以百數各令記字於庭中揚雄取其有用者以作訓纂篇順續蒼頡又易蒼頡

中重複之字凡八十九章臣復續揚雄作十三章韋昭曰臣

班固自謂也作十三章後人不凡一百三章無復字六

別疑在蒼頡下篇三十四章中藝羣書所載略備矣蒼頡多古字俗師失其讀宣帝時

徵齊人能正讀者張敞從受之傳至外孫之子杜林為

作訓故并列焉

凡六藝二百三家二千一百二十三篇人三家一百五十九篇出重十

一篇

六藝之文樂以和神仁之表也詩以正言義之用也禮

以明體明者著見故無訓也書以廣聽知之術也春秋

以斷事信之符也五者蓋五常之道相須而備而易為

之原故曰易不可見則乾坤或幾乎息矣蘇林曰不能見易意則乾

坤近於滅息也言與天地為終始也至於五學世有變改猶五

行之更用事焉師古曰更互也古之學者耕且養三年而通一

藝存其大體玩經文而已是故用日少而畜德多二十

而五經立也後世經傳既已乖離博學者又不思多聞

闕疑之義而務碎義逃難便辭巧說破壞形體師古曰苟為僻

碎之義以避它人之攻難者故為說五字之文至於二

三萬言師古曰言其煩妄也桓譚新論云秦近君能說堯典篇目兩字之說至十餘萬言但說曰若稽

古三萬言後進彌以馳逐故幼童而守一藝白首而後能言

安其所習毀所不見師古曰已所常習則保安之未嘗所見者則妄毀誹終以自

蔽此學者之大患也序六藝為九種

晏子八篇名嬰諡平仲相齊景公孔子稱善與人交有列傳師古曰有列傳者謂太史公書

子思二十三篇名伋孔子孫為魯繆公師

曾子十八篇名參孔子弟子

漆雕子十三篇孔子弟子漆雕啓後

宓子十六篇名不齊字子賤孔子弟子師古曰宓讀與伏同

景子三篇說宓子語似其弟子

世子二十一篇名碩陳人也七十子之弟子

魏文侯六篇

李克七篇子夏弟子爲魏文侯相

公孫尼子二十八篇七十子弟子

孟子十一篇名軻鄒人子思弟子有列傳師古曰聖證論云軻字子車而此志無字未詳具所得

孫卿子三十三篇名況趙人爲齊稷下祭酒有列傳師古曰日本曰荀卿避宣帝諱故曰孫

芊子十八篇名嬰齊人七十子之後師古曰芊音飢

內業十五篇不知作書者

周史六弢六篇惠襄之間或曰顯王時或曰孔子問焉師古曰卽今之六韜也蓋言取天下及

軍旅之事弢字與韜同也

周政六篇周時法度政教

周法九篇法天地立百官

河間周制十八篇似河間獻王所述也

讎言十篇不知作者陳人君法度如淳曰讎音爛師古曰說者引孔子家語云孔穿所造非也

功議四篇不知作者論功德事

甯越一篇中牟人爲周威王師

王孫子一篇一日巧心

公孫固一篇十八章齊閔王失國問之固因為陳古今成敗也

李氏春秋二篇

羊子四篇百章故秦博士

董子一篇名無心難墨子

侯子一篇李奇曰或作侔子

徐子四十二篇宋外黃人

魯仲連子十四篇有列傳

平原君七篇朱建也

虞氏春秋十五篇虞卿也

高祖傳十三篇高祖與大臣述古語及詔策也

陸賈二十三篇

劉敬三篇

孝文傳十一篇文帝所稱及詔策

賈山八篇

太常蓼侯孔臧十篇父聚高祖時以功臣封臧嗣爵

賈誼五十八篇

河間獻王對上下三雍宮三篇

董仲舒百二十三篇

見寬九篇

公孫弘十篇

終軍八篇

吾丘壽王六篇

虞丘說一篇難孫卿也

莊助四篇

臣彭四篇

鉤盾冗從李步昌八篇宣帝時數言事

儒家言十八篇不知作者

桓寬鹽鐵論六十篇師古曰寬字次公汝南人也孝昭帝時丞相御史與諸賢良文學論

鹽鐵事實寬撰次之

劉向所序六十七篇新序說苑世說列女傳頌圖也

揚雄所序三十八篇太玄十九法言十三樂四箴二

右儒五十三家八百三十六篇入揚雄一家三十八篇

儒家者流蓋出於司徒之官助人君順陰陽明教化者也游文於六經之中留意於仁義之際祖述堯舜憲章文武宗師仲尼以重其言於道最為高孔子曰如有所譽其有所試唐虞之隆殷周之盛仲尼之業已試之效者也然惑者既失精微而辟者又隨時抑揚違離道本師古曰辟讀曰僻苟以譁眾取寵師古曰譁道也寵尊也譁音呼華反後進循之是以五經乖析儒學寢衰此辟儒之患

伊尹五十一篇湯相

太公二百三十七篇

呂望為周師尚父本有道者或有近世又以為太公術者所增加也

師古曰父謀八十一篇言七十一篇兵八十五篇

辛甲二十九篇

紂臣七十五諫而去周封之

鬻子二十二篇

名熊為周師自文王以下問焉周封為楚祖

筮子八十六篇

名夷吾相齊桓公九合諸侯不以兵車也有列傳師古曰筮讀與管同

老子鄰氏經傳四篇

姓李名耳鄰氏傳其學

老子傅氏經說三十七篇

述老子學

老子徐氏經說六篇

字少季臨淮人傳老子

劉向說老子四篇

文子九篇

老子弟子與孔子並時而稱周平王間似依託者也

蜎子十三篇

名淵楚人也音一元反古曰蜎姓也

關尹子九篇

名喜為關吏老子過關喜去史而從之

莊子五十二篇

名周宋人

列子八篇

名御寇先莊子稱之

老成子十八篇

長盧子九篇

楚人

王狄子一篇

公子牟四篇

魏之公子也先莊子稱之

田子二十五篇

名駢齊人游稷下號天口駢師古曰駢步田反

老萊子十六篇

楚人與孔子同時

黔婁子四篇齊隱士守道不誦威王下之師古曰黔音其炎反下音胡稼反

宮孫子二篇師古曰宮孫姓也

鷓冠子一篇楚人居深山以鷓為冠師古曰以鷓鳥羽為冠

周訓十四篇師古曰劉向別錄云人間小書其言俗薄

黃帝四經四篇

黃帝銘六篇

黃帝君臣十篇起六國時與老子相似也

雜黃帝五十八篇六國時賢者所作

力牧二十二篇六國時所作託之力牧力牧黃帝相

孫子十六篇六國時

捷子二篇齊人武帝時說

曹羽二篇楚人武帝時說於齊王

郎中嬰齊十二篇武帝時師古曰劉向云故待詔不知其姓數從游觀名能為文

臣君子二篇蜀人

鄭長者一篇六國時先韓子韓子稱之師古曰別錄云鄭人不知姓名

楚子三篇

道家言二篇近世不知作者

右道三十七家九百九十三篇

道家者流蓋出於史官歷記成敗存亡禍福古今之道然後知秉要執本清虛以自守卑弱以自持此君人南

面之術也合於堯之克讓師古曰虞書堯典稱堯之德曰允恭克讓言其信恭能讓

也故志引之云讓古讓字易之嗛嗛一謙而四益此其所長也師古曰四

益謂天道虧盈而益謙地道變盈而流謙鬼神害盈而福謙人道惡盈而好謙也此謙卦彖辭嗛字與謙同

及放者為之則欲絕去禮學兼棄仁義曰獨任清虛可

以為治

宋司星子韋三篇景公之史

公禱生終始十四篇傳鄒奭始終書師古曰禱音疇其字從木

公孫發二十二篇六國時

鄒子四十九篇名衍齊人為燕昭王師居稷下號談天衍

鄒子終始五十六篇師古曰亦鄒衍所說

乘丘子五篇六國時

杜文公五篇六國時師古曰劉向別傳云韓人也

黃帝泰素二十篇六國時韓諸公子所作師古曰劉向別錄云或言韓諸公孫之所作也言

陰陽五行以為黃帝之道也故曰泰素

南公三十一篇六國時

容成子十四篇

張蒼十六篇丞相北平侯

鄒奭子十二篇齊人號曰彫龍奭

閻丘子十三篇名快魏人在南公前

馮促十三篇鄭人

將鉅子五篇

六國時先南公南公稱之

五曹官制五篇

漢制似賈誼所條

周伯十一篇

齊人六國時

衛侯官十二篇

近世不知作者

于長天下忠臣九篇

平陰人近世師古曰劉向別錄云傳天下忠臣

公孫渾邪十五篇

平曲侯

雜陰陽三十八篇

不知作者

右陰陽二十一家三百六十九篇

陰陽家者流蓋出於羲和之官敬順昊天歷象日月星辰

敬授民時此其所長也及拘者爲之則牽於禁忌泥

於小數舍人事而任鬼神

李子三十二篇

名悝相魏文侯富國彊兵

商君二十九篇

名鞅姬姓衛後也相秦孝公有列傳

申子六篇

名不害京人相韓昭侯終其身諸侯不敢侵韓師古曰京河南京縣

處子九篇

師古曰史記云趙有處子

慎子四十二篇

名到先申韓申韓稱之

韓子五十五篇

名非韓諸公子吏秦李斯害而殺之

游棣子一篇

鼂錯三十一篇

燕十事十篇

不知作者

法家言二篇不知作者

右法十家二百一十七篇

法家者流蓋出於理官信賞必罰以輔禮制易曰先王以明罰飭法此其所長也及刻者為之則無教化去仁愛專任刑法而欲以致治至於殘害至親傷恩薄厚師古

日薄厚者變厚為薄

鄧析二篇鄭人與子產並時師古曰列子及孫卿並云子產殺鄧析據左傳昭公二十年子產卒定

公九年駟歇殺鄧析而用其竹刑則非子產所殺也

尹文子一篇說齊宣王先公孫龍師古曰劉向云與宋鈞俱游稷下鈞音彤

公孫龍子十四篇趙人師古曰即為堅白之辯者

成公生五篇與黃公等同時師古曰姓成公劉向云與李斯子由同時由為三川守成公生游談

不住

惠子一篇名施與莊子並時

黃公四篇名疵為秦博士作歌詩在秦時歌詩中

毛公九篇趙人與公孫龍等並游平原君趙勝家師古曰劉向別錄云論堅白同異以為可以治天

下此蓋史記所云藏於博徒者

右名七家三十六篇

名家者流蓋出於禮官古者名位不同禮亦異數孔子

曰必也正名乎名不正則言不順言不順則事不成此

其所長也及警者為之晉灼曰警訃也師古曰警音工鈞反則苟鉤鈇析

亂而已

師古曰鈺破也音普革反又音普狄反

尹佚二篇

周臣在成康時也

田俅子三篇

先韓子

我子一篇

師古曰劉向別錄云為墨子之學

隨巢子六篇

墨翟弟子

胡非子三篇

墨翟弟子

墨子七十一篇

名翟為宋大夫在孔子後

右墨六家八十六篇

墨家者流蓋出於清廟之守茅屋采椽是以貴儉

師古曰采

柞木也字作椽本從木以茅覆屋以椽為椽言其質素也采音千在反

養三老五更是以

兼愛選士大射是以上賢宗祀嚴父是以右鬼

如淳曰右鬼謂

信鬼神若杜伯射宣王是親鬼而右之師古曰右猶尊尚也

順四時而行是以非命

蘇林曰非有命者言儒者執有命而反勸人脩德積善政教與行相反故譏之也如淳曰言無吉凶之命但有

賢不肖善惡

以孝視天下是以上同

如淳曰言皆同可以治也師古曰墨子有節用

兼愛上賢明鬼神非命上同等諸篇故志歷序其本意也視讀曰示

此其所長也及蔽者

為之見儉之利因以非禮推兼愛之意而不知別親疏

蘇子三十一篇

名秦有列傳

張子十篇

名儀有列傳

龐煖二篇

為燕將師古曰煖音許遠反

闕子一篇

國筮子十七篇

秦零陵令信一篇

難秦相李斯

蒯子五篇

通名

鄒陽七篇

主父偃二十八篇

徐樂一篇

莊安一篇

待詔金馬聊蒼三篇

趙人武帝時師古曰嚴助傳作廡蒼而此志作聊志傳不同夫知孰

是

右從橫十二家百七篇

從橫家者流蓋出於行人之官孔子曰誦詩三百使於四方不能顯對雖多亦奚以為又曰使乎使乎言其當權事制宜受命而不受辭此其所長也及邪人為之則上詐諛而棄其信

孔甲盤盂二十六篇

黃帝之史或曰夏帝孔甲似皆非

大命三十七篇

傳言禹所作其文似後世語師古曰命古禹字

伍子胥八篇

名員春秋時為英將忠直遇讒死

子晚子三十五篇

齊人好議兵與司馬法相似

由余三篇

戎人秦穆公聘以為大夫

尉繚二十九篇

六國時師古曰尉姓繚名也音了又音聊劉向別錄云繚為商君學

尸子二十篇

名佼魯人秦相商君師之鞅死佼逃入蜀

呂氏春秋二十六篇

秦相呂不韋輯智略士作

淮南內二十一篇

王安

淮南外三十三篇

師古曰內篇論道外篇雜說

東方朔二十篇

伯象先生一篇

應劭曰蓋隱者也故公孫敖難以無益世主之治

荆軻論五篇

軻為燕刺秦王不成而死司馬相如等論之

吳子一篇

公孫尼一篇

博士臣賢對一篇

漢世難韓子商君

臣說三篇

武帝時作賦師古曰說者其人名讀曰悅

解子簿書三十五篇

推雜書八十七篇

雜家言一篇

王伯不知作者師古曰言伯王之道伯讀曰霸

右雜二十家四百三篇

入兵法

雜家者流蓋出於議官兼儒墨合名法知國體之有此

師古曰治國之體亦當有此雜家之說

見王治之無不貫

師古曰王者之治於百家之道

貫綜此其所長也及盪者為之則漫羨而無所歸心師古

音弋戰反日漫放也羨

神農二十篇

六國時諸子疾時怠於農業道耕農事託之神農師古曰劉向別錄云疑李悝及商

君所說

野老十七篇

六國時在齊楚間應劭曰年老居田野相民耕種故號野老

宰氏十七篇

不知何世

董安國十六篇

漢代內史不知何帝時

尹都尉十四篇

不知何世

趙氏五篇

不知何世

汜勝之十八篇

成帝時為議郎師古曰劉向別錄云使教田三輔有好田者師之徒為御史汜

音凡又音敷劔反

王氏六篇

不知何世

蔡癸一篇

宣帝時以言便宜至弘農太守師古曰劉向別錄云邯鄲人

右農九家百一十四篇

農家者流蓋出於農稷之官播百穀勸耕桑以足衣食

故八政一曰食二曰貨孔子曰所重民食此其所長也

及鄙者為之以為無所事聖王

師古曰言不須聖王天下自治

欲使君

臣並耕詩上下之序

師古曰詩亂也

伊尹說二十七篇

其語淺薄似依託也

鬻子說十九篇

後世所加

周考七十六篇

考周事也

青史子五十七篇

古史官記事也

師曠六篇

見春秋其言淺薄本與此同似因託之

務成子十一篇

稱堯問非古語

宋子十八篇

孫卿道宋子其言黃老意

天乙三篇

天乙謂湯其言者殷時皆依託也

黃帝說四十篇

迂誕依託

封禪方說十八篇

武帝時

待詔臣饒心術二十五篇

武帝時師古曰劉向別錄云饒齊人也不知其姓武帝時

待詔作書名曰心術

待詔臣安成未央術一篇

應劭曰道家也好養生事為未央之術

臣壽周紀七篇

項國圍人宣帝時

虞初周說九百四十三篇

河南人武帝時以方士侍郎號黃車使者應劭曰其說以

周書為本師古曰史記云虞初洛湯人即張衡西京賦小說九百本自虞初者也

百家百三十九卷

右小說十五家千三百八十篇

小說家者流蓋出於稗官

如淳曰稗音銀家排九章細米為稗街談巷說其細碎之

言也王者欲知閭巷風俗故立稗官使稱說之今世亦謂偶語為稗師古曰稗音稗稗之稗不與銀排同也稗官小官漢名臣奏唐林請省置吏公卿大夫至都宜稗官各減什三是也街談巷語道聽塗

說者之所造也孔子曰雖小道必有可觀者焉致遠恐

泥是以君子弗為也然亦弗滅也閭里小知者之所及

亦使綴而不忘如或一言可采此亦芻蕘狂夫之議也

凡諸子百八十九家四千三百二十四篇

出楚鞞一家二十五篇

諸子十家其可觀者九家而已皆起於王道既微諸侯

力政時君世主好惡殊方是以九家之術蠡出並作師古

日蠡與各引一端崇其所善以此馳說取合諸侯其言

雖殊辟猶水火相滅亦相生也仁之與義敬之與和相

反而皆相成也易曰天下同歸而殊塗一致而百慮今

異家者各推所長窮知究慮以明其指雖有蔽短合其

要歸亦六經之支與流裔師古曰裔衣末也其於六使

其人遭明王聖主得其所折中皆股肱之材已仲尼有

言禮失而求諸野師古曰言都邑失禮則方今去聖義

遠道術缺廢無所更索師古曰彼九家者不猶瘡於野

乎師古曰瘡與愈同愈勝也若能脩六藝之術而觀此九家之言舍

短取長則可以通萬方之略矣

屈原賦二十五篇楚懷王大

唐勒賦四篇楚人

宋玉賦十六篇楚人與唐勒並

趙幽王賦一篇

莊夫子賦二十四篇名忌吳人

賈誼賦七篇

枚乘賦九篇

司馬相如賦二十九篇

前漢藝文志

淮南王賦八十二篇

淮南王羣臣賦四十四篇

太常蓼侯孔臧賦二十篇

陽丘侯劉憊賦十九篇師古曰
憊音偃

吾丘壽王賦十五篇

蔡甲賦一篇

上所自造賦二篇師古曰
武帝也

兒寬賦二篇

光祿大夫張子儵賦三篇與王褒
同時也

陽成侯劉德賦九篇

劉向賦三十三篇

王褒賦十六篇

右賦二十家三百六十一篇

陸賈賦三篇

枚臯賦百二十篇

朱建賦二篇

常侍郎莊忽奇賦十一篇枚臯同時師古曰七略云忽
奇者或言莊夫子子或言族

家子莊助昆弟也從
行至茂陵詔造賦

嚴助賦三十五篇師古曰上言莊忽奇
下言嚴助史駁文

朱買臣賦三篇

宗正劉辟彊賦八篇

司馬遷賦八篇

郎中臣嬰齊賦十篇

臣說賦九篇

師古曰說名音悅

臣吾賦十八篇

遼東太守蘇季賦一篇

蕭望之賦四篇

河內太守徐明賦三篇

字長君東海人元成世歷五郡太守有能名

給事黃門侍郎李息賦九篇

淮陽憲王賦二篇

揚雄賦十二篇

待詔馮商賦九篇

博士弟子杜參賦二篇

師古曰劉向別錄云臣向謹與長杜尉杜參校中祕書劉歆又

云參杜陵人以陽朔元年病死時年二十餘

車郎張豐賦三篇

張子張子

驃騎將軍朱宇賦三篇

師古曰劉向別錄云驃騎將軍史朱宇志以宇在驃騎府故總

言驃騎將軍

右賦二十一家二百七十四篇

入揚雄八篇

孫卿賦十篇

秦時雜賦九篇

前漢藝文志

李思孝景皇帝頌十五篇

廣川惠王越賦五篇

長沙王羣臣賦三篇

魏內史賦二篇

東曉令延年賦七篇

師古曰東曉縣名曉音

衛士令李忠賦二篇

張偃賦二篇

賈充賦四篇

張仁賦六篇

秦充賦二篇

李步昌賦二篇

侍郎謝多賦十篇

平陽公主舍人周長孺賦二篇

雒陽錡華賦九篇

師古曰錡姓華名錡音魚綺反

眭弘賦一篇

師古曰即眭孟也眭者先隨反

別栩陽賦五篇

服虔曰栩音詡

臣昌市賦六篇

臣義賦二篇

黃門書者假史王商賦十三篇

侍中徐博賦四篇

黃門書者王廣呂嘉賦五篇

漢中都尉丞華龍賦二篇

左馮翊史路恭賦八篇

右賦二十五家百三十六篇

客主賦十八篇

雜行出及頌德賦二十四篇

雜四夷及兵賦二十篇

雜中賢失意賦十二篇

雜思慕悲哀死賦十六篇

雜鼓琴劔戲賦十三篇

雜山陵水泡雲氣雨旱賦十六篇師古曰泡水上浮漚也

雜禽獸六畜昆蟲賦十八篇

雜器械草木賦三十三篇

大雜賦三十四篇

成相雜辭十一篇

隱書十八篇師古曰劉向別錄云隱書者疑其言以相問對者以慮思之可以無不諭

右雜賦十二家二百三十三篇

高祖歌詩二篇

泰一雜甘泉壽宮歌詩十四篇

宗廟歌詩五篇

漢興以來兵所誅滅歌詩十四篇

出行巡狩及游歌詩十篇

臨江王及愁思節士歌詩四篇

李夫人及幸貴人歌詩三篇

詔賜中山靖王子噲及孺子妾冰未央材人歌詩四篇

師古曰孺子王妾之有品號者也妾王之衆妾也冰其各材人天子內官

吳楚汝南歌十五篇

燕代謳鴈門雲中隴西歌詩九篇

邯鄲河間歌詩四篇

齊鄭歌詩四篇

淮南歌詩四篇

左馮翊秦歌詩三篇

京兆尹秦歌詩五篇

河東蒲反歌詩一篇

黃門倡車忠等歌詩十五篇

雜各有主名歌詩十篇

雜歌詩九篇

雒陽歌詩四篇

河南周歌詩七篇

河南周歌聲曲折七篇

周謠歌詩七十五篇

周謠歌詩聲曲折七十五篇

諸神歌詩三篇

送迎靈頌歌詩三篇

周歌詩二篇

南郡歌詩五篇

右歌詩二十八家三百一十四篇

凡詩賦百六家千三百一十八篇

入揚雄八篇

傳曰不歌而誦謂之賦登高能賦可以為大夫言感物

造端材知深美

師古曰端古端字也因物動志則造辭義之端緒

可與圖事故

可以為列大夫也古者諸侯卿大夫交接鄰國以微言

相感當揖讓之時必稱詩以諭其志蓋以別賢不肖而

觀盛衰焉故孔子曰不學詩無以言也春秋之後周道

寢壞聘問歌詠不行於列國學詩之士逸在布衣而賢

人失志之賦作矣大儒孫卿及楚臣屈原離讒憂國皆

作賦以風

師古曰離遭也風讀曰諷次下亦同

咸有惻隱古詩之義其後

宋玉唐勒漢興枚乘司馬相如下及揚子雲競為侈麗

閎行之詞沒其風諭之義是以揚子悔之曰詩人之賦

麗以則辭人之賦麗以淫

師古曰辭人言緩代之為文辭

如孔氏之門

人用賦也則賈誼登堂相列入室矣如其不用何

師古曰言

孔氏之門既不用賦不可如自孝武立樂府而采歌謠

何謂賈誼相如無所施也於是代趙之謳秦楚之風皆感於哀樂緣事而發亦

可以觀風俗知薄厚云序詩賦為五種

吳孫子兵法八十二篇圖九卷師古曰孫武也臣於闔閭

齊孫子八十九篇圖四卷師古曰孫臏

公孫鞅二十七篇

吳起四十八篇有列傳

范蠡二篇越王句踐臣也

大夫種二篇與范蠡俱事句踐

李子十篇

姪一篇師古曰姪音女瑞反蓋說兵法者人名也

兵春秋三篇

龐煖三篇師古曰煖音許遠反又音許元反

兒良一篇師古曰六國時人也見音五奚反

廣武君一篇李左車

韓信三篇師古曰淮陰侯

右兵權謀十三家二百五十九篇省伊尹太子公管子孫卿子鷓冠子蘇子蒯

通陸賈淮南王二百五十九種出司馬法入禮也

權謀者以正守國以奇用兵先計而後戰兼形勢包陰

陽用技巧者也

楚兵法七篇圖四卷

蚩尤二篇見呂刑

孫軫五篇圖二卷

繇敘二篇

王孫十六篇圖五卷

尉繚三十一篇

魏公子二十一篇圖七卷名無忌有列傳

景子十三篇

李良三篇

丁子一篇

項王一篇名籍

右兵形勢十一家九十二篇圖十八卷

形勢者雷動風舉後發而先至離合背鄉變化無常以

輕疾制敵者也師古曰背音步內反鄉讀曰嚮

太壹兵法一篇

天一兵法三十五篇

神農兵法一篇

黃帝十六篇圖三卷

封胡五篇黃帝臣依託也

風后十三篇圖二卷黃帝臣依託也

力牧十五篇

黃帝臣
依託也

鳩冶子一篇

圖一卷晉灼
曰鳩音夾

鬼容區三篇

圖一卷黃帝臣依託
師古曰即鬼史區也

地典六篇

一論

孟子一篇

三十五篇

東父三十一篇

師曠八篇

晉平
八公臣

萇弘十五篇

周史

別成子望軍氣六篇

圖三
卷

辟兵威勝方七十篇

右陰陽十六家二百四十九篇

圖十
卷

陰陽者順時而發推刑德隨斗擊因五勝假鬼神而為

助者也

師古曰五勝
五行相勝

鮑子兵法十篇

圖一
卷

伍子胥十篇

圖一
卷

公勝子五篇

苗子五篇

圖二
卷

逢門射法二篇

師古曰
即逢蒙

陰通成射法十一篇

李將軍射法三篇

師古曰
李廣

魏氏射法六篇

彊弩將軍王圍射法五卷

師古曰圍郁邳人也見趙充國傳也

望遠連弩射法具十五篇

護軍射師王賀射書五篇

蒲苴子弋法四篇

師古曰苴音子余反

劍道三十八篇

手搏六篇

雜家兵法五十七篇

楚鞞二十五篇

師古曰鞞以韋為之實以物楚蹋之以為戲也楚鞞陳力之事故附於兵法焉

楚音子六反鞞音巨六反

右兵技巧十三家百九十九篇

省墨子重入楚鞞也

技巧者習手足便器械積機關以立攻守之勝者也

凡兵書五十三家七百九十篇圖四十三卷

省十家三百七十一

篇重入楚鞞一家二十五篇出司馬法百五十五篇入禮也

兵家者蓋出古司馬之職王官之武備也洪範八政八

曰師孔子曰為國者足食足兵以不教民戰是謂棄之

明兵之重也易曰古者弦木為弧剡木為矢弧矢之利

以威天下其用上矣後世燿金為刃割革為甲

師古曰燿讀與

鑠同謂銷也

器械甚備下及湯武受命以師克亂而濟百姓

動之以仁義行之以禮讓司馬法是其遺事也自春秋

至於戰國出奇設伏變詐之兵並作漢興張良韓信序
次兵法凡百八十二家刪取要用定著三十五家諸呂
用事而盜取之武帝時軍政楊僕摠撫遺逸紀奏兵錄
師古曰摠撫謂拾取之摠音九問反撫音之石反猶未能備至于孝成命任宏
論次兵書為四種

秦壹雜子星二十八卷

五殘雜變星二十一卷

師古曰五殘星名也見天文志

黃帝雜子氣三十三篇

常從日月星氣二十一卷

師古曰常從人姓名也老子師之

皇公雜子星二十二卷

淮南雜子星十九卷

秦壹雜子雲雨三十四卷

國章觀霓雲雨三十四卷

秦階六符一卷

李奇曰三台謂之秦階兩兩成體三台故六觀色以知吉凶故曰

金度玉衡漢五星客流出入八篇

漢五星慧客行事占驗八卷

漢日旁氣行事占驗三卷

漢流星行事占驗八卷

漢日旁氣行占驗十三卷

漢日食月暈雜變行事占驗十三卷

海中星占驗十二卷

海中五星經雜事二十二卷

海中五星順逆二十八卷

海中二十八宿國分二十八卷

海中二十八宿臣分二十八卷

海中日月彗虹雜占十八卷

圖書祕記十七篇

右天文二十一家四百四十五卷

六文者序二十八宿步五星日月以紀吉凶之象聖王

所以參政也易曰觀乎天文以察時變然星事矧懜非

湛密者弗能由也

師古曰矧讀與凶同
湛讀曰沈由用也

夫觀景以譴形

非明王亦不能服聽也以不能由之臣諫不能聽之主

此所以兩有患也

黃帝五家歷三十三卷

顓頊歷二十一卷

顓頊五星歷十四卷

日月宿歷十三卷

夏殷周魯歷十四卷

天歷大歷十八卷

漢元殷周謀歷十七卷

耿昌月行帛圖二百三十二卷

耿昌月行度二卷

傳周五星行度三十九卷

律歷數法三卷

自古五星宿紀三十卷

太歲謀日晷二十九卷

帝王諸侯世譜二十卷

古來帝王年譜五卷

日晷書三十四卷

許商算術二十六卷

杜忠算術十六卷

右歷譜十八家六百六卷

歷譜者序四時之位正分至之節會日月五星之辰以考寒暑殺生之實故聖王必正歷數以定三統服色之制又以探知五星日月之會凶阨之患吉隆之喜其術皆出焉此聖人知命之術也非天下之至材其孰與焉道之亂也患出於小人而強欲知天道者壞大以爲小削遠以爲近是以道術破碎而難知也

秦一陰陽二十三卷

黃帝陰陽二十五卷

黃帝諸子論陰陽二十五卷

諸王子論陰陽二十五卷

太元陰陽二十六卷

三典陰陽談論二十七卷

神農大幽五行二十七卷

四時五行經二十六卷

猛子閭昭二十五卷

陰陽五行時令十九卷

堪輿金匱十四卷

師古曰許慎云堪輿地道也

務成子災異應十四卷

十二典災異應十二卷

鍾律災應二十六卷

鍾律叢辰日苑二十二卷

鍾律消息二十九卷

黃鍾七卷

天一六卷

泰一二十九卷

刑德七卷

風鼓六甲二十四卷

風后孤虛二十卷

六合隨典二十五卷

轉位十二神二十五卷

羨門式法二十卷

羨門式二十卷

文解六甲十八卷

文解二十八宿二十八卷

五音奇肱用兵二十三卷

如淳曰音該師古曰許慎云肱軍中約也

五音奇肱刑德二十一卷

五音定名十五卷

右五行三十一家六百五十二卷

五行者五常之形氣也書云初一日五行次二曰羞用五事言進用五事以順五行也貌言視聽思心失而五行之序亂五星之變作皆出於律歷之數而分爲一者也其法亦起五德終始推其極則無不至而小數家因此以爲吉凶而行於世寔以相亂

龜書五十三卷

夏龜二十六卷

南龜書二十八卷

巨龜三十六卷

雜龜十六卷

前漢藝文志

著書二十八卷

周易三十八卷

周易明堂二十六卷

周易隨曲射匿五十卷

大筮衍易二十八卷

大次雜易三十卷

鼠序卜黃二十五卷

於陵欽易吉凶二十三卷

任良易旗七十一卷

易卦八具

右著龜十五家四百一卷

著龜者聖人之所用也書曰女則有大疑謀及卜筮易

曰定天下之吉凶成天下之亹亹者莫善於著龜是故

君子將有為也將有行也問焉而以言其受命也如嚮

無有遠近幽深遂知來物非天下之至精其孰能與於

此及至衰世解於齊戒而婁煩卜筮師古曰解讀曰懈齊讀曰齋婁讀曰

屢神明不應故筮瀆不告易以為忌師古曰易蒙卦之辭曰初筮告再三

瀆瀆則不告言童蒙之來決疑初則以龜厭不告詩以

為刺師古曰小雅小旻之詩曰我龜既厭不我告猶言卜問煩數媾媾於龜龜靈厭之不告以道也

黃帝長柳占夢十一卷

甘德長柳占夢二十卷

武禁相衣器十四卷

嚏耳鳴雜占十六卷師古曰嚏音丁計反

禎祥變怪二十一卷

人鬼精物六畜變怪二十一卷

變怪誥咎十三卷

執不祥劾鬼物八卷

請官除詿祥十九卷師古曰詿字與妖同

禳祀天文十八卷師古曰禳除災也音人羊反

請禱致福十九卷

請雨止雨二十六卷

泰壹雜子候歲二十二卷

子贛雜子候歲二十六卷

三法積貯寶藏二十三卷

神農教田相土耕種十四卷

昭明子釣種生魚鼈八卷

種樹藏果相蠶十三卷

右雜占十八家三百一十三卷

雜占者紀百事之象候善惡之徵易曰占事知來衆占

非一而夢為大故周有其官師古曰謂大小掌三夢之法又古夢中土二人皆宗

伯官之而詩載熊羆虺蛇衆魚旒旗之夢著明大人之占

以考吉凶師古曰小雅斯干之詩曰吉夢維何維熊維羆男子之祥維虺維蛇女子之祥無羊之詩

曰牧人乃夢衆維魚矣旒旗矣大人古之衆維魚矣實維豐年旒旗矣室家溱溱言熊羆虺蛇皆為吉祥

之夢而生男女及見衆魚則為豐年之應旒旗則為多盛之象大人古之謂以聖人占夢之法古之也畫龜蛇

集曰旒蓋參十筮春秋之說詠也曰人之所忌其氣炎

以取之詠由人興也人失常則詠興人無憂焉詠不自

作師古曰申繻之辭也事見莊公十四年炎謂火之光始燄燄也言人之所忌其氣燄引致於災也釁瑕也

失常謂反五常之故曰德勝不祥義厭不惠師古曰厭德也炎讀與燄同音伊葉反

也惠順桑穀共生太戊之興雉雉登鼎武丁為宗然惑者

不稽諸躬而忌詠之見是以詩刺召彼故老訊之古夢

本而憂末不能勝凶咎也師古曰小雅正月之詩也故老元老也訊問也言不能脩德以禳災但問元老以古夢之吉凶傷其舍

山海經十三篇

國朝七卷

宮宅地形二十卷

相人二十四卷

相寶劔刀二十卷

相六畜三十八卷

右形法六家百二十二卷

形法者大舉九州之執以立城郭室舍形人及六畜骨

法之度數器物之形容以求其聲氣貴賤吉凶猶律有長短而各徵其聲非有鬼神數自然也然形與氣相首尾亦有有其形而無其氣有其氣而無其形此精微之獨異也

凡數術百九一家二千五百二十八卷

數術者皆明堂羲和史卜之職也史官之廢久矣其書既不能具雖有其書而無其人易曰苟非其人道不虛行春秋時魯有梓慎鄭有裨竈晉有卜偃宋有子韋六國時楚有甘公魏有石申夫漢有唐都庶得麤猶師古曰猶才粗略也音才戶反蓋有因而成易無因而成難故因舊書以序

數術為六種

黃帝內經十八卷

外經二十七卷

扁鵲內經九卷

外經十二卷

白氏內經三十八卷

外經三十六卷

旁篇二十五卷

右醫經七家二百一十六卷

醫經者原人血脉經絡骨節陰陽表裏以起百病之本

死生之分而用度箴石湯火所施

師古曰箴所以刺病也石謂砭石即石箴

也古者攻病則有砭今其術絕矣箴音之林反砭音彼廉反

調百藥齊和之所宜師古

日齊音才詣反其下並同和音乎臥反

至齊之得猶慈石取鐵以物相使

拙者失理以療為劇以生為死

師古曰療讀與愈同愈差也

五藏六府痺十二病方三十卷

師古曰痺風溼之病音必二反

五藏六府疝十六病方四十卷

師古曰疝心腹氣病音山諫反又音刪

五藏六府痺十二病方四十卷

師古曰痺黃病音下韓反

風寒熱十六病方二十六卷

秦始黃帝扁鵲俞拊方二十三卷

應劭曰黃帝時醫也師古曰拊音膚

五藏傷中十一病方三十一卷

客疾五藏狂顛病方十七卷

金創癰癧方三十卷

服虔曰音瘳引之瘳師古曰小兒病也癰音充制反癧音子用反

婦人嬰兒方十九卷

湯液經法三十二卷

神農黃帝食禁七卷

右經方十一家二百七十四卷

經方者本草石之寒溫量疾病之淺深假藥味之滋因

氣感之宜辯五苦六辛致水火之齊以通閉解結反之

於平及失其宜者以熱益熱以寒增寒精氣內傷不見

於外是所獨失也故諺曰有病不治常得中醫

容成陰道二十六卷

務成子陰道三十六卷

堯舜陰道二十三卷

湯盤庚陰道二十卷

天老雜子陰道二十五卷

天一陰道二十四卷

黃帝三王養陽方二十卷

三家內房有子方十七卷

右房中八家百八十六卷

房中者情性之極至道之際是以聖王制外樂以禁內

情而為之節文傳曰先王之作樂所以節百事也樂而

有節則和平壽考及迷者弗顧以生疾而隕性命

宓戲雜子道二十篇

上聖雜子道二十六卷

道要雜子十八卷

黃帝雜子步引十二卷

黃帝岐伯按摩十卷

黃帝雜子芝菌十八卷

師古曰服餌芝菌之法也菌音求閔反

黃帝雜子十九家方二十一卷

秦壹雜子十五家方二十二卷

神農雜子技道二十三卷

秦壹雜子黃冶三十一卷

師古曰黃冶釋在郊祀志

右神僊十家二百五卷

神僊者所以保性命之真而游求於其外者也聊以盪

意平心同死生之域

師古曰盪滌一曰盪放也

而無怵惕於胷中然

而或者專以為務則誕欺怪迂之文彌以益多非聖王

之所以教也孔子曰索隱行怪後世有述焉吾不為之

矣

凡方技三十六家八百六十八卷

方技者皆生生之具王官之一守也大古有岐伯俞拊

中世有扁鵲秦和

師古曰和秦醫名也

蓋論病以及國原診以知

政

師古曰診視驗謂視其脉及色候也診音軫又音丈刃反

漢興有倉公今其技術

晻昧

師古曰晻與暗同

故論其書以序方技為四種

大凡書六略三十八種五百九十六家萬三千二百六

十九卷

人三家五十一省兵十家

前漢書藝文志終





齊書卷之六

齊書卷之六

齊書卷之六

齊書卷之六

齊書卷之六

齊書卷之六

齊書卷之六

齊書卷之六

齊書卷之六

齊書卷之六

齊書卷之六

齊書卷之六

齊書卷之六

齊書卷之六

齊書卷之六

齊書卷之六

齊書卷之六

